

sino secondo el iuditio de questi signori era difficile, si è deferito, et *maxime* per essersi trovati una certa invention de dui bastioni li quali se zapano tutavia per farli ruinar; et dieti pezi sonose ritrovati a la bataria, *taliter* che la impresa se tiene franca.

Fo balotà governador in Cypro in loco del conte Alexandro Donado vol repatriar, et niun passoe. Et questa è la seconda balotation. Ave: 15 et 16 Batain et 14 et 15 sier Zuan Tiepolo qu. sier Marco, è castelan di la rocha di Ravenna.

Item, fo balotà li caratadori del datio del vin et il dazier sier Marco Bragadin qu. sier Andrea, qual rimase. Et di caratadori cazete sier Vctor Diedo qu. sier Baldissera, sier Marin Morexini qu. sier Polo.

375• Da poi disnar, fo Conseio di X con la Zonta, ma fono pochi, *solum* 7 del Conseio et 10 de la Zonta. Et fono sopra le oferte de trovar danari et far lotti, *videlicet*: sier Marco Antonio Foscarini et fratelli, di sier Andrea, voleno dar 400 campi de terra sul Polesene a ducati 35 il campo, et prestar ducati milia, et incorporarli et farli creditori de una et meza per 100 del resto di 100 milia ducati. *Item*, sopra l'offerta di sier Zacaria Trivixan proveditor al sal, qu. sier Nicolò, vol dar zoie per ducati 12 milia et 6000 impresta, et far certo loto di le zoie . . . Et proposte le materie, nè Consieri nè Cai di X volseno metter la parte; sichè nulla fu fatto.

A dì 20, *Domenega*. La matina, vene in Colegio l'orator di Franza, dicendo esser venuto qui uno nepote del signor Renzo da Cere a dir come ditto signor Renzo voleva venir verso Fiorenza, et questo perchè era morto il conte Hugo de Pepoli capitano di fiorentini, et voleva esser lui; et disse che saria bon non partir ditto signor Renzo da la devotion del re Christianissimo, et mandarlo a Zenoa. Pertanto questa Signoria consegi quello se habbi a far; con altre parole.

Introe Savio ai ordeni sier Antonio Alberto in loco di sier Benedeto Boldù, el qual è andato podestà a Portobusolè.

Di Sonzin, di sier Gabriel Venier orator, di 17, hore 2 di notte. Come la bataia non era data a Pavia hozi, et per lettere haute dal Spiciano, del campo, si ha che 'l Capitano dubita a darla perchè francesi è impauridi et quele zente di la Signoria è mal pagate; et che monsignor di San Polo se vol partir et andar a recuperar Zenoa. Et ha ordinato se fazi un ponte sopra Po.

Da Brexa, di sier Zuan Ferro capitano et vicepodestà, di 18. Come questa mattina è partito de li per Venetia sier Andrea Navaier stato orator a la Cesarea Maestà, et fa la vja de Salò. Di novo se ha, Monte Jam che fu mandato per monsignor di San Polo contra li 3000 lanzinech et 1000 svizeri per andar a recuperar Zenoa, è zonto da loro, quali è contenti de andarvi. Et sono con loro do thesorieri regii con danari, i quali voleno far altri 1500 fanti per andar più numero a Zenoa.

La terra di peste heri numero 13, et di altro mal numero 12.

Da poi disnar, fu Gran Conseio, et fu el Serenissimo.

Fo butà le tessere del prò di . . . di Montevichio del 1481, vene per terzo del sestier di San Polo.

Del campo sotto Pavia, a nona, vene lettere del proveditor Moro et orator Contarini. Come haveano continuato la bataria, et il zorno sequente li dariano la bataia; et haveano butà le tessere tra francesi et nostri chi doveano esser li primi. Et tocò a esser li primi a li nostri, et cussi ge la dariano. Scriveno, parlò per Zenoa quel . . . Sauli che vene a parlar in campo a San Polo et al duca de Urbin.

Fu fato in questo Conseio censor sier Marco Malipiero fo al luogo di Procurator, qu. sier Marin, et due del Conseio di X, sier Marco Minio et sier Domenego Capello qu. sier Carlo. Et passò *solum* 5 di Pregadi, fo soto sier Sebastian Renier qu. sier Giacomo. 470, 472.

Scurtinio di Censor.

Sier Andrea Mocenigo el dotor, savio a terraferma, di sier Lunardo procurator, fo del Serenissimo. . .	57.104
Sier Piero Malipiero fo al luogo di Procurator, qu. sier Michiel . .	50.109
Sier Andrea Barbarigo fo al luogo di Procurator, qu. sier Nicolò . .	91. 66
Sier Giacomo Michiel fo di la Zonta, qu. sier Biaxio.	30.122
Sier Marin Sanudo fo di la Zonta, qu. sier Lunardo	55.107
Sier Francesco da Leze fo al luogo di Procurator, qu. sier Alvise . .	59.103
Sier Troian Bolani qu. sier Hironimo .	60.103